

# Ćamil Duraković - Završni magistarski rad

Fakultet/Akademija	FILOZOFSKI FAKULTET
Tip Rada	Završni magistarski rad
Kandidat, zvanje	Ćamil Duraković
Naziv Teme	Uticaj nezaposlenosti na socijalne potrebe mladih na području Tuzlanskog kantona
Rezime/Abstract	<p>Glavni cilj istraživanja je ispitati, analizirati i utvrditi uticaj socijalnog problema nezaposlenosti na zadovoljavanje socijalnih potreba mladih. Iz glavnog cilja istraživanja izvedeni su zadaci istraživanja koji se odnose na teorijsku elaboraciju teme, metodološki pristup i organizaciju empirijskog istraživanja. U skladu sa ciljevima i zadacima istraživanja postavljena je generalna hipoteza i sedam izvedenih podhipoteza istraživanja. Uzorak ispitanika je činilo 150 mladih nezaposlenih lica starosti od 18-30 godina koji su evidentirani na evidenciji Službe za zapošljavanje Tuzlanskog kantona. Istraživanje je sprovedeno pomoću odgovarajućeg upitnika koji je koncipiran sa pitanjima otvorenog tipa. U procesu istraživanja korištene su sljedeće metode istraživanja: metoda teorijske analize, metoda ispitivanja, metoda analize sadržaja, statistička metoda i komparativna metoda. Podaci istraživanja obrađeni su metodom parametrijske i neparametrijske statistike. Podaci istraživanja obrađeni su u statističkom paketu SPSS 21. for Windows. Na osnovu analize rezultata rezultata istraživanja utvrđeno je da je u periodu od 2002. do 2016. godine, nezaposlenost u stalnom porastu i da je izrasla u najveći socijalni problem Tuzlanskog kantona. U pogledu zadovoljavanja socijalnih potreba najveći broj ispitanika ili njih 66,7% je odgovorio da pod uticajem nezaposlenosti imaju najviše teškoća u zadovoljavanju stambenih potreba, zatim slijede teškoće u obezbjeđenju kvalitetne ishrane, u zadovoljavanju zdravstvenih potreba, u oblasti informisanja, učešća u društvenim aktivnostima, zadovoljavanju obrazovnih potreba i dr.. Mladi nezaposleni iskazuju svijest o vlastitoj socijalnoj isključenosti i značaju njihove socijalne uključenosti u cilju kvalitetnijeg zadovoljavanja socijalnih potreba. Od iskazanih socijalnih potreba ističemo: dodatnu edukaciju u struci, volonterski rad, informisanje o načinu i mogućnostima zaposlenja na tržištu rada, edukaciju o poduzetništvu, socijalno uključivanje i dr.. Stavovi ispitanika upućuju na zaključak da su mladi nezadovoljni radom lokalnih i drugih nivoa vlasti i nevladinih organizacija u kreiranju programa socijalnog uključivanja i zapošljavanja mladih. Analiza stavova ispitanika govori o osjećaju socijalne isključenosti, marginalizacije, neinformisanosti i socijalnoj nesigurnosti mladih, zbog čega bi blizu dvije trećine ispitanika otišlo u inozemstvo radi zaposlenja, ako bi se ukazala prilika. Ispitanici su mišljenja da ustanove, institucije i nevladine organizacije pružaju različite ali nedovoljne oblike socijalne pomoći i podrške u zadovoljavanju socijalnih potreba mladih nezaposlenih lica. Zbog toga se ističu nezadovoljene socijalne potrebe u domenu socijalne zaštite, zdravstvene zaštite, savjetovanja, i obrazovanja. Od ukupnog broja ispitanika, 92,0 % njih nisu korisnici novčane naknade ili nekog drugog oblika socijalne pomoći, dok 14,0% ispitanika nema zdravstveno osiguranje i krajnje otežano zadovoljava zdravstvene potrebe. Dok traje nezaposlenost najveću pomoć i podršku u zadovoljavanju osnovnih socijalnih potreba pruža primarna socijalna mreža mladih nezaposlenih osoba. Na osnovu rezultata istraživanja može se zaključiti da su nezaposlene mlade osobe na području Tuzlanskog kantona suočene sa izraženim socijalnim rizicima i teškoćama u zadovoljavanju različitih socijalnih potreba, čime potvrđuje i prihvata generalna istraživačka hipoteza koja glasi: "Socijalni problem nezaposlenosti uzrokuje stanje socijalne potrebe i teškoće u zadovoljavanju socijalnih potreba mladih na području Tuzlanskog kantona."</p>
Datum	26.09.2018
Predsjednik	dr sc. Hariz Šarić, redovni profesor za užu naučnu oblast "Socijalni rad i socijalna politika" na Filozofskom fakultetu Univerziteta u Tuzli
Mentor	dr sc. Nijaz Karić, redovni profesor za užu naučnu oblast "Socijalni rad i socijalna politika" na Filozofskom fakultetu Univerziteta u Tuzli
Član komisije	dr sc. Asim Pandžić, docent za užu naučnu oblast „Socijalna politika, zaštita, sigurnost, rehabilitacija i menadžment“ na Filozofskom fakultetu Univerziteta u Tuzli
Član komisije	-
Član komisije	-
Zamjenski član	dr.sc. Erna Lučić, docent izabrana za užu naučnu oblast „Teorija i metodologija socijalnog rada“ na Filozofskom fakultetu Univerziteta u Tuzli
Dodatni detalji i lokacija	Javna odbrana završnog magistarskog rada obaviti će se 26.09.2018. godine u 10:00 sati na Filozofskom fakultetu Univerziteta u Tuzli
Završne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.